

Фарангиз УКТАМОВА

БОЙЧЕЧАГИМ

Шеърлар

MAJBURIY NUSXA

Қарши
«Насаф» нашриёти
2013

84(59)7-Узб. афғб.

УЎК Ўз. 2

КБК 84(5936)-3

Ў 67

Фарангиз Уктамова машқлари болаларча соф, нафис-туйгуларнинг шеърият шаклидаги ифодасидир. Фикрлар содда самимий, таъсирчан.

Ушбу муъжаз тўпламда Фарангизнинг она Ватанга чексиз муҳаббати, халқига бўлган ҳурмат-эҳтироми жамланган.

НД 41928
0

У 4702620202-70 704 -2013
376 (08) 2013

©

Ф. Уктамова, 2013 й.

©

«Насаф» напшриёти, 2013 й.

ISBN 978-9943-18-165-6

2013/138 А 10976	Alisher Navoiy nomidagi O'zbekiston MK
------------------------	--

ЎЗБЕК ҚИЗИ

Биласизми, гўзал қизлар ҳаё билан,
Оро эмас, тенги йўқ бу ибо билан.
Шоирларнинг мисралари наво билан,
Мақтасам ҳам аразигулик ойдай юзи.
Шу миллатнинг гуруридир ўзбек қизи.

Ибо билан иш қилади ўзбек қизи,
Ота-она, ака-ука удир юзи.
Бўлганда ҳам сиз томонда унинг кўзи,
Мақтасам ҳам арзигулик ойдай юзи.
Шу миллатнинг гуруридир ўзбек қизи.

Мисра битиб берайинми энди сизга,
Шеърлар ўқиб берайинми энди сизга.
Таъриф-тавсиф беролмайман ўзбек қизга,
Мақтасам ҳам арзигулик ойдай юзи.
Шу миллатнинг гуруридир ўзбек қизи.

Гарбда борми ўзбек қизи хислатидан,
Меҳмон келса кўксида қўли ҳимматидан.
Деб айтарсиз бу Фарангиз ҳикматидан,
Мақтасам ҳам арзигулик ойдай юзи.
Шу миллатнинг гуруридир ўзбек қизи.

ИСТИҚЛОЛ ФАРЗАНДАРИ

Имконларнинг эшиги,
Очилгандир биз учун.
Билимга ташна чанқоқ,
Зукко ўғил-қиз учун.

Коллеж, лицей, оромгоҳ,
Қад ростлайди ҳурвиқор.
Хизматига шай турган,
Озод ўғил-қизи бор.

Келажакнинг пойдевори,
Улар, бизлар, сизлардир.
Ватанга содиқ фарзанд,
Ташна ўғил-қизлардир.

Ўқинг дея уқтирган,
Ўтмиши аждодлари.
Бундан ортиқ бахт борми,
Истиқлол фарзандлари.

ЎЗБЕКИСТОНИМ

Юракдан сен томон бир нидойим бор,
Меҳримни қандайин этайин изҳор.
Жуда гўзал бўлар бағрингда баҳор.
Нурларга тўлганим, азиз бўстоним,
Ҳеч кимга бермайман Ўзбекистоним.

Таърифингни дostonлар айлайин майли,
Сенга муносиб фарзанд бўламан ҳали.
Мусаффо гарди йўқ халқимнинг дили,
Нурларга тўлганим, азиз бўстоним,
Ҳеч кимга бермайман Ўзбекистоним.

Дунёда тенгсизсан озод қўрғоним,
Муҳаббат ҳамроҳим, қалбда иймоним.
Улут аждодларга тўлган осмоним,
Нурларга тўлганим, азиз бўстоним,
Ҳеч кимга бермайман Ўзбекистоним.

СЎНГГИ ҚЎНҒИРОҚ

Мактаб дарвозасин секин ёпаман,
Кўнглимдан ўтади сокин ўйларим.
Энди қайтиб келмаймиз очиқ бағринга,
Яхши қол, ёшлигим, ўтган онларим!

Севинчдан йиглайман кўзимдадир ёш,
Нега бугун сенга шунча боғландим.
Синфдош дўстларим оға-инимдек,
Олис келажагим сари чоғландим.

Илтимос, ўтинчим якка-ягона,
Афсуслар қиламан фойдасиз бироқ.
Ўзимни озгина тинчлаб олгунча,
Чалинмай турақол, сўнги қўнғироқ.

МУСТАҚИЛЛИК

Мустақиллик улут неъмат,
Биз қадрига етайлик.
Бугун юртим тўй байрами,
Туёнасин тутайлик.

Йигирма бир баҳорни,
Кўрмоқда Ўзбекистон.
Мустақил, озод юртга,
Муътабар, азиз инсон.

Ўтмиш, тарих кўзгуси,
Келажакда акс этар.
Ҳали олдда бундан-да,
Буюк келажак кутар.

Юртда шод-у, хуррамлик,
Байрамларга улансин.
Байроғимиз баланд тутиб,
Мадҳиямиз куйлансин.

ЯККАБОГИМ

Шеър ёзаман сенинг шаънингта,
Яккабогим, таърифларим оз.
Қандай сенга ифода этай,
Онам сенга бўлгандир қиёс.

Сўлим дарё бўйида яна,
Сочларингни майин тарайсан.
Яккабогим, гўзал масканим,
Нега бунча, бунча гўзалсан?

Чинорларинг сояси аро,
Даво топгай ҳатто беморлар.
Шунча ўсдим энди бағрингда,
Асло бир бор кўрмай озорлар.

Яккабогим, таърифинг топай,
Туман ичра ёруғ чироқсан.
Қашқадарё воҳаси аро,
Тенги йўқ бир ягона богсан!

Кўзим ёшга тўлди, онажон,
Юрак йиглаб тинди, онажон.
Қалбимда бир ғалаён туриб,
Менга нелар бўлди онажон.

Дунёдан кўст топайин дедим,
Дунёдан дўст топайин дедим.
Ғафлат дарвозасин ёпайин дедим,
Менга нелар бўлди, онажон?

Садоқатни изладим, йўқдир,
Назокатни изладим, йўқдир.
Ўзим ёйман юрагим ўқдир,
Менга нелар бўлди, онажон?

Кўзим очиб кўрдим дунёни,
Тополмадим сиздек донони.
Тузатяпман энди хатони,
Менга нелар бўлди, онажон.

УЛҒАЯМАН ЮРТИМ БАҒРИДА

Бахтиёрман кўксимда қалқон,
Ота-онам ишонч таянчим.
Хафа бўлса, хафа бўламан,
Хурсанд бўлса, менинг қувончим.

Кўзим қувнар кўрсам уларни,
Бобо-бувим менга мададкор.
Яшаяпман оилам бағрида,
Шод-у хурсанд яна бахтиёр.

Юртлар ичра ягона ўзи,
Лаҳза ичра оним бор менинг.
Бутун дунё довругин билган,
Ўзбек деган номим бор менинг.

ИЛТИЖО

Бутун сизни тушимда кўрдим,
Мадад беринг менга, онажон.
Келажақда кўп орзуларим,
Оташ беринг менга, онажон.

Орзуларим беҳисоб ҳатто,
Уммонлардан тошсин сувларим.
Мен оташман мангу ёнаман,
Қалбдан чиқсин ёзган шеърларим.

МАКТАБИМ

Онамдай бўлгансан азиз мактабим,
Тўққиз йил бағрингда ўсиб улгайдим.
Сени ташлаб кетмоқлик нақадар огир,
Сўзсиз бош эголдим-у, лекин улгайдим.

Синфдош дўстларим бутун яқиним,
Кўксимни айрилиқ тиги тилмоқда.
Юракда изтироб, қалбимда ўкинч,
Буни фақатгина ўзим билмоқда.

Қанча шўхликларим, қанча қувончим,
Шу азиз маскан бағрида ўтган.
Меҳрибон устозлар ота-онамдек,
Меҳр бериб бизга, кафтида тутган.

Устозлар, дўстларим, азиз синфдош,
Қалбда сўровим бор юракни ғашлаб.
Қанча ҳаракатим бесамар кетар,
Ҳеч кетгим келмайди мактабни ташлаб.

ВАТАНИМ БАҒРИНГДА

Шамол бўлиб саҳройингни кезайин,
Булбул бўлиб гулларингга қўнайин.
Ниҳол бўлиб тупрогингда унайин,
Бахтиёрман, азиз ватан, бағрингда.

Ёмгир бўлиб мен далангда ёғайин,
Шалодадек тоғларингда тошайин.
Қуёш бўлиб кулиб сенга боқайин,
Бахтиёрман, азиз ватан, бағрингда.

Баҳор бўлиб доим яшнаб келайин,
Тонг саҳарда сабодайин елайин.
Меҳр бериб сочларингни силайин,
Бахтиёрман, азиз ватан, бағрингда.

Не бўлсам ҳам сенинг бағрингда,
Қучоқ-қучоқ гулларинг терайин.
Ота-онам яқинларим ёнида,
Ўша эрка қизинг бўлиб қолайин.

ЛАЙЛАК ҚОР

Салом сенга оппоқ қор,
Салом сенга лайлак қор.
Қулоғингни тутуб тур,
Шошма, сенга гапим бор.

Орзу умидлар билан,
Ёгавергин лайлак қор.
Хуррам этиб кўнгилни,
Шошма, сенга гапим бор.

Барча умид- истаклар,
Сендадир эй лайлак қор.
Ўраб оппоқ чойшаб-ла,
Шошма, сенда гапим бор.

ОНАЖОН

Юрсангиз гар йўлингизга пояндозман,
Сиздан бўлак йўқдир менинг меҳрибоним.
Шунча дардни ютавериб бутун яна,
Юзингизга ажин тушди онажоним.

Бўғзимга хўп тиқилганда аччиқ жоним
Югурасиз билмоқ учун менинг ҳолим
Шукроналар айтайин мен оллоҳимга,
Ахир сиз бор меҳрибоним онажоним.

СОВҒА

Дадам совға қилган қуёнча,
Митти-митти болалар кўрди.
Қувонишиб қўшни болалар,
Қуёнчамни кўргани келди.

Оқ қуёним поклик рамзидир,
Кўк ранг менга беради мадад.
Қора, ола қуёним кўрсам,
Ишларимга келади омад.

Қора рангни қаршилолмайман,
Оқми-қора оддий ранг булар.
Ҳаракат-у доим интилиш,
Инсонларга фақат бахт берар.

* * *

Илк устозим сизсиз, бувижон,
Йўлингиздан бормоқ орзуим.
Сизнинг учун ҳатто бир умр,
Бу деб атай “ҳикматли сўзим”.

Меҳрибоним, доим жонкуяр,
Бувижоним менинг қувончим.
Шундай улуг париларим бор,
Оқлайманда улар ишончин.

Сўзларидан мисли бол томар,
Мени севиб кафтида тутган.
“Ўригидан мағзи ширин” деб,
Келармикан болам деб кутган.

Ота-онанг ишончисан сен,
Умидимиз жуда кўп қизим.
Насиҳат деб қабул қиларсан,
Айтаётган мана шу сўзим.

Шундай менинг насиҳатгўйим,
Бир ажойиб бувам бор менинг.
Эркалайди, лекин самимий,
Бегуборим бувим бор менинг.

Шукроналар айтаман яна,
Шундай менинг яқинларим бор!

Қиш кунлари узоқ бўларкан,
 Хаёл олиб қочаркан йироқ.
 Ҳатто туннинг ўтиши қийин,
 Тонг отгунча вужудим титроқ.

Соғинаман бувижонимни,
 Кўкси узра қўйгим келар бош.
 Узуқ-юлуқ булутлар ичра,
 Ўз жамолин кўрсатар қуёш.

Аста-секин мўралайди қор,
 Аёз бобо ихлоси баланд.
 Қор устида яна бир бора,
 Қолиб кетди хаёл орзуманд.

Совуқ, ҳатто эгим жимирлар,
 Аста қўлга оламан қалам.
 Қоғоз билан бўлганда ўртоқ,
 Дилда қолмас ҳаттоки алам.

Қиш кунлари узоқ бўларкан,
 Хаёл олиб қочаркан йироқ.
 Ҳатто туннинг ўтиши қийин,
 Тонг отгунча вужудим титроқ,

* * *

Изгирин қиш кунда,
Аста чиқдим ҳовлига.
Эти жунжуккан итим,
Ачиндим мен ҳолига.

Секин боқдим осмонга,
Сира қор ҳам тугамас.
Ёки аёз бобомиз,
Қуёш нурын истамас.

Совуқ еган қушларни,
Кўриб роса ўйладим.
Айвон чорлаб уларни,
Нон ва дон-ла сийладим.

БОЙЧЕЧАГИМ

Баҳор келса келганинг учун,
Мен баҳорни суяр эдимда.
Қуёш, ойдек кулганинг учун,
Ажиб ҳисни туяр эдимда.

Бойчечагим чаккамга тақай,
Гулбаргларинг суйиб эркалаб.
Оппоқ қишни ўтказдим мана,
Кеча-кундуз бир сени ўйлаб.

Онанг дала, отанг қир-адир,
Кўкси узра қўя қолгин бош.
Яна майли бир йил кутаман,
Келишингга тўкмайин кўзёш.

Элчи бўлиб келишинг учун,
Она ер ҳам бағрини очар.
Қизғалдогим сенинг опангми?
Худди сенга қўйгандек ўхшар.

Баҳор келса келганинг учун,
Бойчечагим, сени соғиндим,

УКАЖОНИМ ТОҲИРБЕККА

Орзулари осмондек улут,
Келажаги буюк карвоним.
Ота-онам ишончисан сен,
Ортга боқма, эй укажоним.

Интилишинг сенга қўшқанот,
Керак сенинг одам бўлишинг.
Асли ҳамма инсонку дерсан,
Истамаймиз ниқоб кийишинг.

Эркалигинг ортда қолдириб,
Ҳаёт сари ташлагин қадам.
Инсон учун энг катта омад,
Интилишдир, интилиш ҳар дам.

Онажоним суянган тоғи,
Умидлари сенданда катта.
Дадажоним ишончини сен,
Оқлагайсан ҳали албатта.

Дўст-душманинг кимлигини бил,
Ота – онам яқин инсонинг.
Сенга улкан толе тилайман,
Деб тутатар сўз онажонинг.

МУЊДАРИЖА

Ўзбек қизи.....	3
Истиқлол фарзандлари.....	4
Ўзбекистоним.....	5
Сўнги қўнғироқ.....	6
Мустақиллик.....	7
Яккабоғим.....	8
Улғаяман юртим бағрида.....	9
Илтижо.....	10
Мактабим.....	10
Ватаним бағрингда.....	11
Лайлак қор.....	12
Онажон.....	12
Совга.....	13
Илк устозим.....	14
Қиш кунлари узоқ бўларкан.....	15
Изгирин қиш кунида.....	16
Бойчечагим.....	17
Укажоним Тоҳирбекка.....	18

1600 с.ш.

АДАБИЙ-БАДИИЙ НАШР

Фарангиз УКТАМОВА

БОЙЧЕЧАГИМ

Шеърлар

Муҳаррир:	Ю.Зиёдов
Техник муҳаррир:	Ч.Раҳмонов.
Мусахҳиҳ:	Ю.Зиёдов
Саҳифаловчи:	Ш.Холмуродова.

Нашриёт лицензия № АІ 139, 27.04.2009 йил. Теришга 2.07.2013 йилда берилди. Босишга 16.08.2013 йилда рухсат этилди. Бичими 84x108 $\frac{1}{32}$. Baltica TAD гарнитураси. Офсет қоғози. Офсет усулда чоп этилди. Шартли босма табоғи 1,05. Нашр босма табоғи 0,044. 95-2013-шартнома. 50-буюртма. 100 нусхада. 20 бет. Эркин нархда.

**«Насаф» нашриёти, 180118, Қарши шаҳри,
Мустақиллик шоҳкўчаси, 22-уй.**

**«Қаршиполиграфнашр» МЧЖда чоп этилди.
180118, Қарши шаҳри, Мустақиллик шоҳкўчаси,
22-уй.**